

Broj: 760-1/22  
Sarajevo, 17.06.2022. godine

Na osnovu člana 61. Zakona o Turizmu ("Sl. novine Kantona Sarajevo", br. 19/2016, 31/2017, 34/2017 - ispr. i 13/2021), Programa rada i Finansijskog plana Turističke zajednice Kantona Sarajevo za 2022. godinu, Odluke Predsjednika Turističke zajednice Kantona Sarajevo broj: 760/22 od 17.06.2022. godine, raspisuje se:

## JAVNI POZIV ZA IZBOR PARTNERA ZA UČEŠĆE U PROJEKTU "SARAJEVO CITY CARD"

### 1. Predmet javnog poziva

Predmet ovog Javnog poziva je izbor partnera na projektu implementacije integralnog informacionog sistema „Sarajevo City Card“ kojim se daje doprinos centralizaciji ukupne turističke ponude Kantona Sarajevo, sa ciljem unapređenja atraktivnosti i konkurentnosti Sarajeva kao turističke destinacije, pružajući posjetiteljima digitalno iskustvo koje će uštedjeti vrijeme i novac, dati mogućnosti posjete više mjesta, atrakcija i doživljaja.

Izabrani partneri će biti uključeni u pakete usluga koje će kroz Sarajevo City Card biti dostupne posjetiteljima, kao i građanima Kantona Sarajevo.

### 2. Pravo učešća na Javni poziv

Pravo učešća na Javni poziv, kroz partnership i loyalty program, imaju sljedeće institucije i pravna lica:

- PARTNERSHIP PROGRAM**
  - MUZEJSKE I GALERIJSKE INSTITUCIJE ČIJI SU OSNIVAČI ORGANI UPRAVE NA SVIM NIVOIMA VLASTI, SA SJEDIŠTEM U KANTONU SARAJEVO.
  - JAVNO PREDUZEĆE SARAJEVO.
  - KANTONALNA JAVNA USTANOVA ZA ZAŠTIĆENA PRIRODNA PODRUČJA.
- LOYALTY PROGRAM**  
MUZEJI I GALERIJE KOJE SU 100% PRIVATNO VLASNIŠTVO.

Aplikant može dostaviti prijavu za jednu poziciju, PARTNERSHIP PROGRAM (1) ILI LOYALTY PROGRAM (2).

01

### 3. Potrebna dokumentacija

Podnosilac prijave na Javni poziv je obavezan dostaviti sljedeću dokumentaciju u originalu ili ovjerenom kopiji, ne starijoj od 3 mjeseca računajući od dana objave Javnog poziva:

1. Popunjen Obrazac za prijavu na javni poziv (original, popunjen elektronski, potpisan od strane odgovornog lica i ovjeren pečatom podnosioca prijave);
2. Izvadak iz registra udruženja, Izvod iz sudskog registra ili ekvivalentan dokument iz kojeg je vidljivo da ima pravo da se bavi djelatnošću koja je predmet javnog poziva (original, ili ovjerena kopija ne starija od 3 mjeseca računajući od dana objave Javnog poziva);
3. Uvjerenje o poreskoj registraciji – identifikacioni broj (original, ili ovjerena kopija ne starija od 3 mjeseca računajući od dana objave Javnog poziva);
4. Rješenje o razvrstavanju – klasifikacija djelatnosti (original, ili ovjerena kopija ne starija od 3 mjeseca računajući od dana objave Javnog poziva);
5. Izjava aplikanta o izmirenim poreskim obavezama ovjerena od strane nadležnog organa (općinski organ ili notar); ***Napomena: Izabrani aplikant je dužan dostaviti uvjerenje o izmirenim poreskim obavezama od nadležne poreske uprave i od Uprave za indirektno oporezivanje, ako je aplikant PDV obveznik (original, ili ovjerena kopija ne starija od 3 mjeseca računajući od dana objave Javnog poziva) na dan zaključenja ugovora;***

Napomena: Udruženje koje nema uposlenih i neizmirenih obaveza treba dostaviti izjavu, ovjerenu kod nadležnog organa, da nema uposlenih i neizmirenih obaveza kojom to potvrđuje, original ili ovjerena kopija).

### 4. Kriteriji za izbor partnera

#### PARTNERSHIP PROGRAM

Kriterij za učešće u *Partnership programu* je cijena. Ponuđena cijena koju nudi aplikant mora biti **umanjena za minimum 50%** od redovne cijene usluge aplikanta.

#### LOYALTY PROGRAM

Kriteriji za učešće u *Loyalty programu* su:

1. Autentičnost, vrsta i količina eksponata;
2. Visina ponuđenog popusta;
3. Broj posjetilaca/prodatih karata u prethodne 3 (tri) godine;
4. Nagrade koje aplikant posjeduje;
5. Ocjena na Tripadvisoru.

### 5. Postupak podnošenja prijave

1. Prijavni obrazac popunjen elektronski (formulari popunjeni ručno neće biti uzeti u razmatranje) i dostavljen u printanoj verziji, sa pratećom dokumentacijom;
2. Sva dokumentacija podnesena na Javni poziv mora biti original ili ovjerena kopija kod nadležne općinske službe.

## 6. Rok i način izvršenja usluga

1. Sa izabranim aplikantom zaključuje se pojedinačni ugovor za pružanje usluga u implementaciji projekta Sarajevo City Card na period od 1 (jedne), a najduže na period do 3 (tri) godine;
2. Usluge je potrebno otpočeti izvršavati u roku od 30 (trideset) dana od dana obostranog potpisivanja ugovora.

## 7. Način dostavljanja prijava

Prijave se mogu predati lično na protokol Turističke zajednice Kantona Sarajevo ili putem preporučene pošte, na adresu Dalmatinska 2/IV 71000 Sarajevo. Prijave moraju biti u zatvorenoj koverti.

Na koverti prijave obavezno mora biti naznačeno na koji program se aplikant prijavljuje, odnosno "PRIJAVA NA JAVNI POZIV – PARTNERSHIP PROGRAM" ili "PRIJAVA NA JAVNI POZIV – LOYALTY PROGRAM".

Na zadnjoj strani koverta aplikant obavezno naznači vlastiti naziv i adresu.

Nepotpune i neblagovremene prijave neće biti razmatrane.

Turistička zajednica Kantona Sarajevo nije u obavezi vraćati zaprimljenu dokumentaciju koja se odnosi na prijavu za Javni poziv.

## 8. Rok i mjesto za prijem prijava

Javni poziv za podnošenje prijava je do **01.07. 2022. godine**.

Prijave se dostavljaju na adresu Dalmatinska 2/IV, 71000 Sarajevo.

## 9. Provedba Javnog poziva

Turistička zajednica Kantona Sarajevo će po okončanju Javnog poziva formirati komisiju koja će razmotriti prijave u cilju utvrđivanja ispunjavanja formalno-pravnih uslova, te zatim sačiniti listu aplikanata koji su zadovoljili formalno-pravne uslove Javnog poziva.

Komisija za stručnu ocjenu aplikanata, ukoliko procijeni, izvršiće obilazak aplikanata i neposredan uvid u sadržaje kojima aplikanti raspolažu, ili će izvršiti stručnu ocjenu na osnovu prijavnog obrasca i pregleda web stranice aplikanta, te nakon toga utvrditi konačnu listu aplikanata koji ulaze u partnerstvo na implementaciji projekta Sarajevo City Card.

## 10. Donošenje odluke o utvrđivanju konačne liste partnera

Odluka o odabiru partnera na implementaciji projekta Sarajevo City Card donijet će se najkasnije 7 (sedam) dana od dana zatvaranja Javnog poziva.

## 11. Dodatne informacije

Sve dodatne informacije vezane za Javni poziv, mogu se dobiti svakim radnim danom, od 13-15 sati, putem telefona 033 252 000 i mail adrese: [info@visitsarajevo.ba](mailto:info@visitsarajevo.ba).

**PREDSJEDNIK**  
**TURISTIČKE ZAJEDNICE KANTONA SARAJEVO**

**[REDACTED]**  
**[REDACTED]**  
**[REDACTED]**



**Prilog I – PRIJAVNI OBRAZAC ZA PARTNERSHIP PROGRAM**

**Prilog II – PRIJAVNI OBRAZAC ZA LOYALITY PROGRAM**